

**BOSNA I HERCEGOVINA  
FEDERACIJA BOSNE I HERCEGOVINE  
UNSKO SANSKI KANTON  
GRAD BIHAĆ  
GRADONAČELNIK**

Broj: \_\_\_\_\_

Bihać, \_\_\_\_\_

Na osnovu člana 140. Poslovnika o radu Gradskog vijeća (Službeni glasnik Grada Bihaća broj 3/16), Gradonačelnik, u svojstvu predlagača odluka i drugih akata

**O d r e đ u j e**

I z v j e s t i o c a Daria Jurića, na sjednici Gradskog vijeća i radnim tijelima po prijedlogu tačke dnevnog reda:

**Prijedlog Odluke o utvrđivanju broja korisnika i mjesečnog iznosa stipendije u akademskoj 2021./2022. godini**

**GRADONAČELNIK  
Šuhret Fazlić**

**BOSNA I HERCEGOVINA  
FEDERACIJA BOSNE I HERCEGOVINE  
UNSKO – SANSKI KANTON  
GRAD BIHAĆ  
GRADONAČELNIK**

Broj: \_\_\_\_\_

Bihać, \_\_\_\_\_

**GRADSKO VIJEĆE**

**PREDMET: Prijedlog Odluke o utvrđivanju broja korisnika i  
mjesečnog iznosa stipendije u akademskoj 2021./2022. godini**

Na osnovu člana 52. tačka b) Statuta Grada Bihaća (Službeni glasnik Grada Bihaća br. 13/15, 13/18) i člana 140. tačka d) Poslovnika o radu Gradskog vijeća (Službeni glasnik Grada Bihaća br. 3/16, 4/20) u prilogu vam dostavljam Prijedlog Odluke o utvrđivanju broja korisnika i mjesečnog iznosa stipendije u akademskoj 2021./2022. godini na razmatranje radi prihvatanja uz sljedeće obrazloženje:

**PRAVNI OSNOV ZA DONOŠENJE ODLUKE**

Pravni osnov za donošenje Odluke o utvrđivanju broja korisnika i mjesečnog iznosa stipendije u akademskoj 2021./2022. godini sadržan je u članu 35. stav (1) tačka b) Statuta Grada Bihaća kojim je propisano da Gradsko vijeće donosi odluke i druge opće akte kojima uređuje pitanja iz samoupravnog djelokruga i daje njihovo tumačenje i članu 3. Odluke o stipendiranju studenata („Službeni glasnik Grada Bihaća“ broj 1/15) kojim je propisano da broj stipendija, visinu stipendije, kao i ukupni iznos sredstava namijenjenih za stipendije po osnovu Odluke o stipendiranju studenata za svaku akademsku godinu utvrđuje Gradsko vijeće na prijedlog Gradonačelnika.

**RAZLOZI ZA DONOŠENJE**

Donošenje Odluke o utvrđivanju broja korisnika i mjesečnog iznosa stipendije u akademskoj 2021./2022. godini predlaže se zbog potrebe da se, u skladu sa raspoloživim budžetskim sredstvima, redovim studentima sa prebivalištem na području grada Bihaća na preddiplomskom (I ciklus) i diplomskom (II ciklus) studiju, olakša studiranje dodjeljivanjem utvrđenog mjesečnog iznosa

stipendije. Stipendiranje studenata je u skladu sa utvrđenim strateškim ciljevima Grada Bihaća, te programima društvenog razvoja, u smislu podrške razvoju obrazovanja kroz stipendiranje studenata.

Sredstva za stipendiranje studenata utvrđena su u Budžetu Grada Bihaća („Službeni glasnik Grada Bihaća“ broj 6/21), kod Službe za opću upravu i društvene djelatnosti na stavci *Tekući grantovi pojedincima, isplate stipendija*, organizacioni kod 01/7001000, konto 614234, u iznosu od 40.000 KM.

S obzirom na Budžetom planirani iznos sredstava, predlaže se stipendiranje 20 novih studenata-korisnika, sa mjesečnim iznosom stipendije od 200 KM, za deset mjeseci tekuće akademske godine.

U skladu sa članom 3. stav (2) Odluke o stipendiranju studenata, u članu 3. stav (2) Prijedloga Odluke, predložen je broj stipendija za svaku kategoriju, odnosno broj stipendija koje će se dodijeliti za deficitarna zvanja za prvu godinu studija, broj stipendija koje će se dodijeliti za deficitarna zvanja za drugu i više godine studija, broj stipendija koje će se dodijeliti za ostala zvanja za prvu godinu studija i broj stipendija koje će se dodijeliti za ostala zvanja za drugu i više godine studija.

U skladu sa članom 4. stav (2) Odluke o stipendiranju studenata, akt kojim se utvrđuju deficitarna zvanja donosi Gradonačelnik prije raspisivanja konkursa, a na osnovu podataka JU Služba za zapošljavanje Unsko-sanskog kantona, o potrebama zapošljavanja na području grada Bihaća.

Konkurs za dodjelu stipendije raspisuje Gradonačelnik u skladu sa članom 11. Odluke o stipendiranju studenata. Konkurs će biti objavljen u jednim dnevnim novinama, na oglasnoj tabli Grada i na web stranici Grada.

Postupak dodjele stipendija po raspisanom konkursu za akademsku 2021./2022. godinu provest će komisija za dodjelu stipendije koju imenuje Gradonačelnik, na način utvrđen Odlukom o stipendiranju studenata.

## **FINANSIJSKI EFEKTI**

Donošenje ove Odluke izazvat će očekivane finansijske efekte u smislu isplate stipendija korisnicima u skladu sa Budžetom planiranim sredstvima.

S obzirom na navedene razloge, smatram Prijedlog Odluke opravdanim i predlažem da Gradsko vijeće isti usvoji u predloženom tekstu.

**GRADONAČELNIK**  
**Šuhret Fazlić**

Na osnovu člana 35. stav (1) alineja c) Statuta Grada Bihaća (“Službeni glasnik Grada Bihaća” br. 13/15, 13/18) i člana 3. Odluke o stipendiranju studenata (“Službeni glasnik Grada Bihaća” broj 1/15), Gradsko vijeće na sjednici, održanoj dana                    godine, donosi

**O D L U K U**  
**o utvrđivanju broja korisnika i mjesečnog**  
**iznosa stipendije u akademskoj**  
**2021/2022. godini**

**Član 1.**  
**(predmet)**

Ovom Odlukom utvrđuje se broj korisnika stipendije i mjesečni iznos stipendije u akademskoj 2021./2022. godini.

**Član 2.**  
**(visina sredstava)**

Sredstava namijenjena za stipendije utvrđena je Budžetom Grada Bihaća za 2021. godinu (“Službeni glasnik Grada Bihaća” broj 6/21), planiranim kod Službe za opću upravu i društvene djelatnosti na stavci *Tekući grantovi pojedincima, isplate stipendija*, organizacioni kod 01/7001000, konto 614234, u iznosu od 40.000,00 KM.

**Član 3.**  
**(broj stipendija)**

- (1) U akademskoj 2021/2022. godini stipendirat će se 20 novih korisnika dodjelom stipendije redovnim studentima visokoškolskih ustanova koji studiraju na preddiplomskom (I ciklus) i diplomskom (II ciklus) studiju.
- (2) Stipendije iz stava (1) ovog člana dodijelit će se za deficitarna i ostala zvanja kako slijedi:
  - a) za deficitarna zvanja za prvu godinu studija: 5 stipendija
  - b) za deficitarna zvanja drugu i više godine studija: 5 stipendija
  - c) za ostala zvanja za prvu godinu studija: 5 stipendija
  - d) za ostala zvanja za drugu i više godine studija: 5 stipendija
- (3) Akt kojim se utvrđuju deficitarna zvanja donosi Gradonačelnik prije raspisivanja konkursa na osnovu podataka JU Služba za zapošljavanje Unsko-sanskog kantona.

- (4) Ako se ne prijavi dovoljan broj studenata deficitarnih zvanja, stipendije će se dodijeliti studentima ostalih zvanja prema utvrđenoj rang listi.

**Član 4.**  
**(mjesečni iznos stipendije)**

Visina stipendije utvrđuje se u mjesečnom iznosu od 200,00 KM (dvije stotine konvertibilnih maraka) po korisniku-stipendisti za deset mjeseci tekuće akademske godine.

**Član 5.**  
**(konkurs)**

- (1) Stipendije se dodjeljuju na osnovu javnog konkursa koji raspisuje Gradonačelnik.
- (2) Konkurs za dodjelu stipendija će se objaviti u jednim dnevnim novinama, na oglasnoj tabli Grada i na web stranici Grada.

**Član 6.**  
**(komisija)**

- (1) Postupak dodjele stipendija po raspisanom konkursu za akademsku 2021./2022. godinu provest će komisija za dodjelu stipendije na način utvrđen Odlukom o stipendiranju studenata.
- (2) Komisiju iz stava (1) ove Odluke imenuje Gradonačelnik rješenjem u kojem se utvrđuje sastav komisije, djelokrug rada i zadatak komisije u skladu sa Odlukom o stipendiranju studenata.

**Član 7.**  
**(stupanje na snagu)**

Ova Odluka stupa na snagu osmog dana od dana objavljivanja u Službenom glasniku Grada Bihaća.

Predsjedavajući Gradskim vijećem  
Zulfikar Handukić

Broj: \_\_\_\_\_

Bihać, \_\_\_\_\_